

daz si die selben râte
von ir selber herzen tâte. 1080

Des nam in michel wunder,
und fuorte si besunder
und beswuor si vil verre,
ob ir iht ir herre
die rede hete ûz erdrôt, 1085
er sprach 'kint, dir ist nôt,
daz dû dich berâtest baz,
und sage dir rehte umbe waz.
swie dû den tôt liden muost,
ob dû daz niht vil gerne tuost, 1090
sô ist din junger lip tôt,
und frumt uns leider niht ein
brôt.

nu enhil mich dines willen niht.
ich sage dir, wie dir geschiht.
ich ziuhe dich ûz rehte blôz, 1095
und wirt din schame harte grôz,
die dû von schulden danne hâst
unde nacket vor mir stâst.
ich bind' dir bein und arme:
ob dich din lip erbarme, 1100
sô bedenke disen smerzen:
ich snid' dich zuo dem herzen
und brich ez lebende ûz dir.
frôuwelin, nû sage mir,
wie din muot dar umbe sté. 1105
ez'n geschach nie kinde alsô wê,
als dir muoz von mir geschehen.
daz ich ez tuon sol unde sehen,
dâ hân ich michel angest zuo:
nu gedenke selbe ouch dar
zuo. 1110
geriuwet ez dich hâres breit,
sô hân ich min arbeit
unde dû den lip verlorn.'
vil tiure wart si aber besworn,
sine erkante sich vil stâte, 1115
daz si sich's abe tâte.

Diu maget lachende sprach,
wan si sich des wol versach,
ir hulfe des tages der tôt
ûzer wertlicher nôt, 1120
'got lône iu, lieber herre,
daz ir mir alsô verre
hânt die wârheit gesaget,
entriwen ich bin ein teil ver-
zaget:
mir ist zwîvel geschehen. 1125
ich wil iu rehte bejehen,
wie der zwîvel ist getân,
den ich nû gewonnen hân.
ich fürhte, daz unser arbeit
gar von iuwer grôzen meisterschaft 1130
under wegen belibe.
iwer rede gezême ein wibe.
ir sint eines hasen genôz.
iwer angest ist ein teil ze grôz
dar umbe, daz ich sterben sol. 1135
dêswâr ir handelnt ez niht wol
mit iuwer grôzen meisterschaft.
ich bin ein wip und hân die
kraft:
getürrent ir mich sniden,
ich getar ez wol erliden. 1140
die engestliche arbeit,
die ir mir vor hânt geseit,
die hân ich ân' iuch wol vernomen.
zwâr ich enwâere her niht komen,
wan daz ich mich weste 1145
des muotes alsô veste,
daz ich ez wol mac dulden.
mir ist, bi iuwern hulden,
diu brêde varwe gar benomen
und ein muot alsô vester komen, 1150
daz ich als ongestliche stân,
als ich ze tanze sûle gân:
wan debein nôt sô grôz ist,
diu sich in eines tages frist
an mime lib geenden mac, 1155
mich endunke, daz der eine tac

1088 sage, *näml.* ich. — 1092 niht ein brôt, *ähnlich* niht ein blat, gras
= nicht das Mindeste. — 1115 wenn sie sich nicht als sehr standhaft kenne. —
1156 mich endunke, dass ich nicht glaube.